

Cracoviensis studior. Univ. Sagell.  
Promotiones Ordinis Philos.

1715 mens. Aprilis die



3606

III.


Mag. St. Dr.

P

Præya 2964.

Kraus Jos. Antonii: Olypens orbis Palladii in  
v. dv. XXV secundae laureae candidatis  
expositus.







CLYPEUS  
ORBIS PALLADIJ.

GRATIOSISSIMO CAPITE  
CELSISSIMI PRINCIPIS  
ILLVSTRISSIMI & REVERENDISSIMI DOMINI,

D. CASIMIRI

à LUBNA

LUBIENSKI,

DEI & Apostolicæ Sedis Gratiâ

EPISCOPI CRACOVIENSIS, DUCIS SEVERIÆ,  
INCLYTÆ UNIVERSITATIS CRACOVIENSIS  
CANCELLARIJ FAVENTISSIMI  
MUNITUS.



In VV. DD. XXV. Secundæ Laureæ Candidatis;

D U M

à Perillustri & Reverendissimo Domino,

D. M. ANDREA  
KRUPECKI,

J. U. Doctore & Professore, Ecclesiarum Cathedralis Cracoviensis  
CANONICO, Premykoviensis & in Niegárdow CURATO, Contubernij  
Jurisp: PROVISORE, Studij Almæ Universitatis Cracoviensis  
PRO CANCELLARIO.

In frequentissima Illustrissimorum Hospitum Corona.

Magisterij in AA. LL. & in Phil: Doctoratûs Licetiam,  
RITU SOLENNI CONSEQUERENTUR,

Contra Scientiarum Hostem

EXPOSITUS.

Ac fraterni amoris & gratulationis ergo

JOSEPHO ANTONIO KRAUZ, Cracov.  
ejusdem Laureæ CANDIDATO.

Concentu Panegyrico

DEMONSTRATUS.

ANNO DOMINI M.DCC.XV. Mensis Aprilis. Die

CRACOVIAE, TYPIS UNIVERSITATIS.



# In Stemma Illustrissimum PERAVGVSTI CAPITVLI Cracoviensis.



Asper odoratis Libanus se tollit in altum  
Cedris, transcendit nubila celsus Atlas,  
Clarius ast illis Lechico nitet Orbe Vavellus;  
Vertice, cum trinum fert diadema, suo.  
Non folium, non herba levis, non fertilis arbor,  
Hic crescit, retinet, trina CORONA locum.



ILLVSTRISSIMIS,  
PERILLVSTRIBVS,  
&  
REVERENDISSIMIS DNIS  
DD. PRÆLATIS  
&  
CANONICIS,  
TOTIQ; PERAVGVSTO  
CAPITULO

Ecclesiæ Cathedralis Cracoviensis,  
DOMINIS & PATRONIS  
Amplissimis.



*Lypeum Orbis Palladij solis hætenus astuantis  
in arena literaria certaminis excoctū ignibūs,  
post superatos labores, tandem victores (si glo-  
riari licet) CORONIS admovemus. ILLU-  
STRISSIMI, PERILLVSTRES &  
REVERENDISSIMI DOMINI  
Decet sanè non alio Palladem nostram sub  
signo triumphare; quæ Magnis Vestris do-  
mestica Nominibus, ubiq; militat. Exeste dura bellatrici dextera  
juga Alpium, aliter, nisi super fufis liquoribus, emolliri nescia; ad  
sanctiorem nobis Vavellum amplior patet aditus, non trucidis inven-  
tō Annibalis, sed appretiando gratiæ Vestræ ingenio, eò gloriosius,  
quò mitius, ad CELSISSIMVM CAPITVLVM, vel potius  
ad Patrum licet ire Capitolium. Excepta jam mutamus fulmina  
in lumina, in fulgores variamus fulgura, cum non Medusæ, sed  
Principe Scutum muniri CAPIT E, non mollibūs Clypeum vin-*



ciri fertis, sed ultra viâtrices laureas, aureis ambiri CORONIS  
intuemur. Reperit tandem tot lustris quesitam exantlata qui-  
etem Minerva, reperit protracto denegatum tempori respirium,  
dum non viridi tantummodo umbras sub lauru, verum sub aureis  
quoq; diadematum frondibus propitios sibi venerari Phœbos concessit.  
Equidē nullibi melius deposuisse suos visa Clypeos, nullibi securius to-  
casse armaturā quā in diviniore sacra STANISLAI area, ubi tot  
umbones, quot PONTIFICES, tot scuta, quot PRÆLATOS,  
tot Clypeos, quot CANONICOS, prisca mirabatur atas, in-  
tuetur præsens saculum, sera stupebit posteritas. Quid enim Vos  
ô PATRES Patria! ATLANTES Ecclesia! Non uni certē di-  
adema natum sceptro in præmium, tot Regna, tot Imperia imò to-  
tum Christianum Orbem profusis illustrat nitoribus, uni radiando  
Vavello. Nemo hic, nisi ad CORONAS, nemo, nisi natus ad  
Tiaras; Hoc agit Triplex CORONARVM Ordo, ut non so-  
la tantum Roma Caput suum, etiam Cracoviensis CATHEDRA  
uniuscujusq; PRÆLATI emeritum verticem multiplicato  
in plausum vinciat diademate. Si nempe par meritis debetur ho-  
nos, totus huc defluat, est necesse; defluxitq; in CORONIS.  
Miratur Orbis Majestatem VESTRI NOMINIS, ac in-  
stuporem rapitur; quam summā parastis eruditione, fovetis pietate,  
nutritis munificentia, aliam prerogativæ nescij quærere excellen-  
tiam, nisi quæ ex his oritur fontibus, ut vera nūcupetur. Fictas vel  
pietas alibi maturior videt animus gravitates, ubi vana potius in-  
tumescit ambitio, quā majestiosa crescit authoritas: hic, supe-  
ris vicinam veneratur. Erigat superbo fastu Roma ære susa,  
Capitolia, ut processuram veteri ritu in theatrum Orbis, triumphis  
comitetur Sapientiam; extra Latium & noster triumphat Se-  
ptemtrio VESTRUM veneratus AVGVSTALE, ubi perenne  
sibi solum posuit Eruditio. Nullum hic videre CAPUT, quod  
aurum optimum non probetur, nullum eminere verticem, ex quo  
non nasci doctior voluisset Pallas, feliciore, quā è Jovis cerebro,  
enixa partu, quia non fictitio: quinimo si Cælum Augustale ap-  
pellare liceat, tot loves, quot PRÆLATOS necesse venerari.  
Ingens cavillantis gloria antiquitati stigma inuritur, quod muta  
tot sæculis, coronata veneraretur idola, sub VESTRIS CORO-  
NIS nullum spectavit Caput Orbis, à quo non suus veniret ho-  
nos, & pretium diademati. Pulchrè hic Pontificis Doctora-  
les, Laureæ miscentur Tiaris, pulchrè Pastorale pedum, eruditi  
corym-



corymbi circumvolant; ita, ut quod alibi miraculum foret, tantam  
Doctorum recensere seriem, hic domesticum, inter sacros fasces,  
vel Musas Heliconæ commutare Vavello; vel Pallada Honori,  
Honoremve ad celsas prerogativarum aras Palladi victimari. Pri-  
dem jam stuporem exuimus, tot Insulata CAPITA in VESTRO  
PERAUGUSTO spectando CAPITULO; pridem devinctos  
animos subjecimus, tot Presulum, tot Abbatum, tot Doctorum  
Nominibus centuriatos meritorum mirando cumulos. Quid  
mirum? in hoc sacro VESTRO COLLEGIO ANTIISTITVM,  
maturam videre messem, quod pridem illorum notari meruit (semi-  
narium. Ex hac Vestra Area, publico bono, ubertim tot fructibus  
refertos Senatus legit manipulos, ex hac Orchestra, Diva Themis  
tot Aristides ad Regni evocat Areopagum, ex hac militanti signa  
victricia, triumphanti Ecclesia plausus, & triumphi succrescunt,  
dum truci Hæreticorum hydra, non unus Alcides, vibrato sapi-  
entioris lingvæ gladio, dira refecat Capita totius Religionis com-  
modo & triumpho. Quid de VESTRA pietate dixero?  
etsi tacuero; muta loquuntur marmora; absq; voce deprædicant  
altaria, quantum sibi à VOBIS accesserit. Excessistis Pompilios,  
superastis Numam, quibus nulla alia cura potior, nullus conatus  
intensior, quam qui intaminatum DEI cultum sapit, illasum  
Numinis honorem promovet. Ruderibus toties Decorum intus-  
mulata fana; è cinere & favilla excitastis, ut gravi pressa morphæo  
postquam tandem evigilaverint, devotiori corde gloriam canerent  
Altissima; inopes locupletastis aras, inculta exornastis Altaria,  
quo melius & magnificentia Domus DEI appareret, & dives  
virtutibus conscientia, candorem immaculatum cordis præferret.  
Crescit magnitudo VESTRI NOMINIS crescente munificentia,  
quam indiviso pietati sociastis nexu. Non invidemus Trajanos  
Latia, & Titos, cum eos extra Tarpejas cautes, Lechico quoq;  
venerari liceat in Vavello. Novit & ad præsens experitur ino-  
pia populi liberalitatem VESTRAM, novit pupillus & Vidua  
munificentiam, cum tot sublevanda egestati datis suppetias, plus  
de pauperum calamitate, quam de VESTRO comodo solliciti.  
Intuemur quantum pro communi Christianæ plebis laboretis bono,  
intuemur nondum deterfos fronte sudores, tot sacra sustentando cæ-  
nobis, suspicati Patrum non vocitandos nomine, si filios, filiasve  
Matris Ecclesiæ non aleretis. Exesto jam è nostro limine,  
dura fames, vel saltem saginata recede: liberali Vavelli dextera



obrueris, ne erumpas. Innata Virtuti VESTRÆ magnitudo non ita se extollit, ut humilia despiciat. Sublimes, non elati, VOS commodo inferiorum demittitis, ut altius gloria NOMINIS VESTRI assurgat, his perfectionis gradibus summitatis suæ securo. Quidquid reperitur in VESTRO Confessu, magnificum est, & sanctum. Sacra illa Majestas intuentium oculos rapit, ac reverentia admonet, quam sponte præstant universi. Si beata Imperia, ubi Reges non acephali, beatitudo omnis hic suam elegit sedem, CELSISSIMO Regnante CAPITE. Ecquis universa VESTRA edisserat ornamenta? Superastis magnitudine virtutum alta Oratorum ingenia, uno Vavelli colle septicollis Roma vicistis Tullios; illam VOBIS relinquendo laudem, quod laudare VOS mortalium nemo satis valeat, qui Divino quodammodo repleti Entheo, aut Jovem ad facta VESTRA gloriose celebranda evocatis, aut Mercurium. Extenuari Oratorios, quinimo nomen suum fontes amittere, advertimus; quoties immensum encomiorum Vestrorum subeunt Oceanum: extenuari & Eloquentiam: de his enim dicere quis tutò audeat? quos vocalis fama toto plenis Orbe buccis quamvis celebraverit, num tamen, quantum laudis debuit, tribuerit; expavescit. Satis est flexo Magna Nomina, an Numina venerari poplite, satis profunda taciturnitate buccinantes per athera loqui Panegyres, & si immensum Virtutum, & Meritorum VESTRORUM aquor haurire non licuit, sufficit, saltem illius lambere superficiem. Faxint, superi! ut Illustrissimus CORONARUM Ternio, uti Ecclesiam Virtutibus, meritis Patriam, ita orbem gloriâ repleat immortalis: & cum nulla sub sole reperiaturs virtus, quâ florentissima non niteant, clarius Vavelli VESTRI culminâ, nulla quoque sit regno Curulis, quæ coronata sibi non exoptet Capita, ut veneretur. Certè Clypeata Cohors Palladis edocta dudum honori VESTRO militare, sera trophæa posteritati leget, victrixque cumulabit triumphos; cum Vos Duces sub Coronis sibi propitios habuerit. Vivite, & per fasces numerate annos; dulcis Charitum Ternio perpetuâ hic sibi sedē elingat, ubi Ternio CORONARUM. ita precatur:

ILLUSTRISSIMARUM, PERILLUSTRIUM & REVERENDISSIMARUM DOMINATIONUM VESTRARVM

Cliens devinctissimus

JOSEPHUS, ANTONIUS KRAUZ.  
Secundæ Laureæ Candidatus.



DIVO JOANNI

CANTIO,

Sacrae Theologiae Doctori,  
& Professori,

REGNI POLONIAE  
& ACADEMIAE,

PATRONO,

Fortunatissimo Literatorum DUCI  
& PATRIARCHAE,

ODE VOTIVA.



DIVE, quem docti stupuere postes,  
Palladis nuper, super atq; totus  
Nunc Ducem mundus, studijsq; fortem  
Esse Patronum.

Tu gravis pridem Superos triumphis,  
Bella post reple animosa victor.

Te per immensum canit omnis æther,  
Qua patet orbem.

Clarior luces super astra Phæbô.

Te coronarum triplicatus ordo  
Cinxit, & circum sinuata frontem.

Laurea CANTI.

Cælitum summo sociatus Orbi,

Ne Tuos spernas socios. parumper

Linque supremas, peto, linque sedes.

DIVE JOANNES.

A

Et



Et clientales videas precamur,  
Prosper affectus, Tibi quos referre,  
Sacra devoto studet ore, tumq;

Pectore turba.

Currimus, prono cineresq; corde  
Ad Tuam PATRIS veneramur Urnam.

Currimus CANTI, celeres nitenti

Respice vultu.

Cerne quàm sævus truculenta Mavors

Spargat in omnes Lechiæ Triones

Bella, nec solos premit imperitos

Ira Decorum.

Hostis in doctas quoq; durus arces

Palladis sacræ ruit, & minarum.

Terret ingenti pavidumq; vexat

Turbine pectus.

Eurus adspiret, Boreasve sævus,

Auster, an dulci Zephyrusq; ab orâ;

Dulce nil nobis venit, inde quivis

Haurit amaras.

Lachrymarum undas: PATER Ô Beate!

Literis ingens cupimus ferire

Nos cohors monstrum, clypeata scutò

Nominis almi.

Præstò victrices posuere laurus,

Præstò vernantes superi coronas,

Bella transacta, hinc meritò feruntur

Vertice frondes.

Sêu CAPUT Scuto micuit decorum,

Sên micat CANTI Tuus universis

Candor, & magno cumulata censu

Gratia splendet.

Cum Ducem nobis Comitemq; fidum.

Tu geris, currus vehit in triumphum.

Aureus cunctos, nitidisq; fulget

Laurea venis.



PERILLUSTRI & REVERENDISSIMO DOMINO,

D. M. ANDREÆ  
KRUPECKI,

J. U. Doctōri & Professori, Ecclesiarum Cathedral:  
Cracoviensis CANONICO, Premykoviēsis & in  
Niegardow CURATO, Contubernij jurisperit:  
PROVISORI, Studij Almæ Universitatis  
PROCANCELLARIO.

*In vim debitæ venerationis*

Laurum flore perpetuo vernantem plantat.

Appensa Epigraphe.

FATORUM NIL METUIT RIGOREM.

**P**laudite Pierides, Heliconia turba sororum,  
Dulcisonum geminate melos, cantusq; parate;  
Et plectris, svaviq; lyrâ, cytharâq; sonanti  
Et manibus, tenerisq; jocis, tum voce canorâ  
Plaudite; nunc fidibus recinant sua vota Camænæ;  
Nunc resonet Phæbea chelys, Domus ecce triumphis.  
Docta patet, nullos patitur post prælia luctus,  
Æde sua Pallas; non intempesta vagari  
Spectra sinit; non bella tonant, victricia signa.  
Stant Clypeis, frondesq; nitent, viridesq; corymbi,  
Circum docta sibi sinuantur tempora: laurus  
In roseas merito capiti crevêre coronas.  
Auditis? geminate melos, canat Io triumphæ.  
Delius, & cellis resonet sua montibûs echo;  
Mars jacet incultus; Jagelonis surgit ubiq;  
Musa potens, nec facta filet, nec munera victrix  
Servat in obscuro, medio quæ sole peregit,  
Explicat, ut totum vulget se fama per orbem.  
Orabiem! quantum fremuit Bellona minaci  
In Lechiam vultu, studiosos stringere tantum  
Pestifera ausa lues grassans, securus ut Orbe  
Palladio mutare gyros deberet Apollo.  
Quid Paetr! ergo jam jam succumbere fatis,  
Et tremulos agitare dies patieris? inertem



Luce sacrâ expellas spiritum : sed promptior illô  
 A N D R E A S fortuna Virûm, cui militat omnis  
 Doctus honor, labarum tollens in prælia cunctos  
 Urget amans, stimulatq; potens, Dux ipse Comesq;  
 Maturus gravitate Pater, maturus & ævô,  
 Ad clypeos properare viros persuadet, ad arma  
 Convocat, & robur posuit, posuitq; phalangem,  
 Fronte sua galeata cohors pugnaret ut hoste  
 Cum vigili; telisq; finit confringere tela  
 Pugna secunda fuit, nam erat & Dux ipse secundus  
 In laurus galeæ, Clypei, cessere coronas  
 In virides, victrixq; comis victricia signa  
 Fert pars nostra suis, Tibi sed debere triumphum  
 Omnis ait; qui bella cies studiosa potenter,  
 K R U P E C K I, laudande Virûm, gignisq; triumphos.  
 Non sic auricomus pro Troja stabat Apollo,  
 Nec pro Romulidis valuit sic Julia virtus,  
 Quàm Craciæ pro sede scholæ sudare videris  
 Tu, seriem cursumq; Tuæ donando labori  
 Vitæ; cumq; alij capto mutantur honore,  
 Te solum toties altas scandendo curules  
 Non potuit mutare virum; servavit eundem,  
 Captus honor semper; micat una modestia vultu,  
 Gratia tum superis compar, nutrita labore,  
 Hæc superest quæ nata fuit; spectâte Vavellum,  
 Et documenta dabit: tum Academi munera dicent  
 Hactenus, quæ Sophicâ virtus inspersit arenâ,  
 Hæc melius sed Diva probat Themis omnia, jamq;  
 Confusus ei delectus ades; Te purpura votis  
 Exoptanda sibi tenuit, sumpsitq; decorem  
 Assumptus virtute Tua tum corpore murex.  
 Quid referam? curas circa Sacra CANTIA Patris;  
 Quid Provisoris munus tot lustra peractum.  
 Aut Tibi quid referam? PROCANCELLARIA jura  
 Quæis vèctus sublime micas, illustrior omni  
 Sidere, sed magnos melius suppressa loqvuntur  
 Verba Viros; Te fama vehat super astra polumq;  
 Exornes Cracium Phæbeo lumine Cælum.  
 Nominis intacto radiet Tibi vita vigore:  
 Et cum laurus adest fatorum fulminis expers  
 Victricis dat signa manûs, tu sæcula vince  
 Centenos dignus Clypeis numerare triumphos.





CLARISSIMIS, EXCELLENTISSIMIS & ADMODUM  
REVERENDIS DOMINIS

DD. EXAMINATORIBUS.

*Clarissimo, & Admodum Reverendo Domino,*  
D. M. THOMÆ POZAPOWSKI,  
Philosophiæ Doctori, Collegæ Majori, Ecclesia-  
rum Collegiatæ S. ANNÆ CANONICO, Czer-  
minensis PRÆPOSITO, ac interea Philoso-

phicæ Facultatis

D E C A N O.

*Clarissimo & Admodum Reverendo Domino,*  
D. M. SIMONI JOSEPHO WROBLINSKI  
Philosophiæ Doctori, ejusdemq; Tratnoviano in  
Collegio Majori Astrologiæ Profess: Ecclesiæ  
Collegiatæ Sanctæ ANNÆ CANONICO.

*Clarissimo & Admodum Reverendo Domino,*  
D. M. STANISLAO MARKIEWICZ,  
Philosophiæ Doctori, Tylicianæ Eloquentiæ Pro-  
fessori, Collegæ Minori, Curato Stradoviensi.

Omnigenæ gratitudinis ergò,

*Clypeum Ajacis tela repellentem,*

Cum Epigraphæ:

Stat Clypeo secura salus.

Æ Terna tactis Nomina posteris  
Scribat Virorum, Mula perennior,  
Vel sculpat exarando cultis  
Marmoribus, lapidiq; sacro.

Delenda nullis dextera sæculis

Stylô Phydæ nunc adamantinô,

Oblivione non premenda

Nec dubijs superanda fatis.

Quod Roma dudum quæ spolia intulit,

Victoriosus ad Capitolium,

Pôst bella dextris quotve Pænuş

Sanguineos numerat triumphos:



Cessisse totum cernit aheneis  
Patrum lacertis; Scipio Nobilis  
Trophæa ponit, Annibalque  
Facta stupet sua jam minora.  
Intaminatis sidera Ternio  
Cum replet almus laudibus, & quatit  
Terrasq; Neptunumq; amâ,  
Sidereumq; Polum tonanti.  
Ut Phæbus alto fundit ab æthere  
Serenus ignes, ut sine nubibus  
Accendit umbris prænitentem  
Cynthia, nocte diem, venusta;  
Sic Ternionis gloria maxima  
Mundo refulget, sic sapientiâ  
Nitere non cessat Palæstræ,  
Sic roseo pretiosa virtus  
Candore splendet: nectit adoreas  
Apollo primas Vir celebris, Tibi  
In Orbe Musarum peramplo  
POZAPOVI resonante plectrâ  
Tu Principalis murice Purpuræ  
Splendescis Almæ Doctor ab exedra  
Matri, Sophorum dum eruditis  
Pulveribus vehementer instas.  
Minerva nostræ Te decus inclytum  
Stoæ recenset; suaviloquentia  
Te prodit esse Tulliorum  
Stirpe satum vehemens nepotem.  
Seu sacra pandis dogmata cultius,  
Profana mundo seu studiosior  
Elogiorum nectis altos  
Floribus è teneris cothurnos.  
Miranda spargis munera Palladi,  
Gemmaſq; solus divite colligis  
Conchâ, renatas non marinâ  
Littore, sed capitis fluentâ  
Æquanda summis sideribus nitet  
Virtus coruscat WROBLINII, polos  
Transcendit altos, solus astra  
Exsuperat speculando Cælum.



Arcere novit monstra frementia  
 Vrsas, Leones, ô sapientia!  
 Hydriſve, Tauris, Scorpioni  
 Fræna dedit, docuitq; dura  
 Frangi Mathesi colla potentior:  
 Hinc magnus illi crescere cernitur  
 Vbiq; cultus; hinc favores  
 Conciliat pretioſa Pallas.  
 Divina planè mentis eburnæ  
 Arcana pandit, fit ſtupor omnibus,  
 Reſponſa quæſitis ferendo  
 Rhetora, ſive voles Pòetam.  
 Viſtor celebris per Iageloniam  
 Aulam, triumphans otia, militat:  
 Huic laurus aſſuevit venuſta  
 Eximios cumulâre plauſus.  
 Tuo decori Muſa panegyres  
 Centumq; tendit carmina neſtere,  
 Ex ore centum Tulliano  
 Encomijs ſociare verba.  
 Tylicianæ ſtas Eloquentiæ  
 Famoſus Author, profluit aureo  
 MARKIEVI fonte, cui abundat  
 Suada Dijs populisq; dulcis.  
 Comptè Togatus dum in celebri Sophûm  
 Nodosa ſolvis dogmata porticu,  
 Magnum in ſtuporem noſtra cogis  
 Corda ſimul geniumq; plaudens.  
 Apollo quamvis ſurgeret hinc Tuo  
 Ingens daretur gloria Nomini,  
 Sudore parta frontis altæ,  
 Artibus ingenuisq; factis.  
 Sed Muſa credo grande piaculum  
 Perpetrat in Te Ternio Nobilis;  
 Pennâ cùm adumbrat inſolenti  
 Nomina clara Virûm per orbem.  
 Canat Thalia, vivite! vivite!  
 Patrum celebris vivito Ternio!  
 Fortuna ditet vos perampla  
 Aurea ſeculâ ſimul ferendo.



# CLYPEUS ORBIS PALLADIJ VV. Viris secundæ Laureæ Candidatis contra scientiarum hostem EXPOSITUS.

I. V. D. JOANNI JASTRZĘBSKI,

*Stemma.  
Struthionis Luna cū  
cum lemmate:*



*Supra pennas stru-  
bella.  
Affulgent sidera vo-  
tis.*

Cynthia clara micat, rutilo cynosura refulget

Sidere, pennarum quid decus una tenet?

Hæ nuper galeas ornabant, inter & ignes

Nutritæ fuerant, sidera celsa petunt:

JASTRZĘBSKI quod penna Tibi studiosa recondit

Totum crede sacra luce beare decet.

Struthio si ferrum, nubes si Cynthia frangit,

A Te fata ruent, credimus, astra favent.

II. V. D. MICHAELI JOSEPHO DROPCZYNSKI.

*Stemma  
Supra soleā Crux,  
det annulum ro-  
Cum lemmate:*



*Avitum.  
cui Avis insi-  
stro præferēs.  
Canora trium-  
phis.  
Crux*



Crux solæ victrix supereminet, altior ales  
 En residens, almæ, stat pretiosa Cruci.  
 Annulus ore cui gemma nitet ablq; decorus,  
 Illi DROPCZYNSKI, candida gemma manet.  
 Præstans ingeniô, monstrant vestigia Cruxq;  
 Bella triumphator quod studiosa gerat.  
 Eligeret nidos quodsi Tritonia doctos  
 Vertice jam vellet nidificare Tuo.

III. V. D. BLASIO, JOANNICANTIO  
 K A R P I N S K I.

*Stemma.*  
 gò Korab. Cum  
 Hac solâ secura



*Arca Noë vul-*  
*Lemmate.*  
*salus.*

Per medias ferri didicit quæ tuta procellas,  
 Cum mundi maculas laverit unda gravis.  
 Hæc Tibi KARPINSKI faustissima contigit Argo,  
 Argo, cui soli credita nostra salus.  
 Iam vada securus poteris superare ferocis  
 Eurippi, vectus navita classe Tua.  
 Iasona non jactet Colchis cum vellere Phryxo,  
 Pallada cum revehis, Iasona solus agis.



IV. V. D. STANISLAO KUTLINOWSKI.

*Stemma.  
in summum cre-  
tice avis rostro te-  
Cum Lemmate:*



*Laurus frondosa  
scens, in cuius ver-  
nens annulum.  
Caelo vicina vire-  
scit.*

Proceros tollens ramos, cum frondibus arbor,  
Et folio viridis, floreque pulchra viget;  
Vertice sublimi gratissima constitit ales,  
Cum rubeo gemmans annulus ore, micat  
Ista Tuz virtutis erunt documenta per orbem,  
O KUTLINOWSKI! gloria magna Craci;  
Arbore summa petes facilis fastigia: census  
Annulus est sponzor, gesta canet volucris.

V. V. D. JOANNI CAROLO RACIBORSKI  
*Seniori Scholæ Sanctorum Omnium.*

*Stemma.  
in summitate Coro-  
nitidem soleam cum  
Cum Lemmate:*



*Crux in medio solea;  
na Avis unguibus  
Cruce præferēs.  
Tendit super æ-  
thera virtus.*

Cum soleis Patrio, binis, Crux bina refulget  
Stemma, tum volucrem culta corona tenet.  
Altera belligeram RACIBORSKI replet arenam,  
Altera celsa petens ungue tenetur Avis.



Sic terras victor, superum sic æthra trophæis  
 Replet, Neptuni regna patentq; Tibi.  
 Æquor adest, cures lymphas superare Stagyræ,  
 Sic plaudes terris, æthere tumq; mari.

VI. V. D. BOGUSLAO, STANISLAO  
 B R O M I R S K I.

*Stemma*  
*Supra soleam Crux,*  
*Corona, Canis ve-*  
*prorumpit.*  
*Cum Lemmate:*



*Gentilitium.*  
*Et in summitate*  
*naticus medius*

*Lubrica non*  
*metuit.*

Crux soleata micat, mediumq; corona molossum  
 Exambit, nitidis cingere culta rotis.  
 Quæ secreta latent? BROMIRSKI victor ubiq;  
 Sub Cruce stas, soleâ tutior alta petis.  
 Non Tibi prædonum metuenda pericula restant,  
 Nocte dieq; vigil nam excubat ecce Canis.  
 Ergo Palladiæ, tantarum munere dotum  
 Exornes, felix culmina docta Domûs.

VII. V. D. FRANCISCO CASIMIRO,  
 S T A N O W I C Z.

*Stemma.*  
*ex aquis. supra*  
*Cum Lemmate:*



*Cervus erumpens*  
*quem Stella.*  
*Undiq; salus.*



Corniger in gelidis sine cymba Cervus apertè.  
 Ex spatiatur aquis, per vada natq; levis.  
 Affulgens cynosura sibi, superemicat alto  
 Vertice, jam lymphas, jam petit ille polum.  
 Magna latent secreta Tibi, si credis, amande  
 STANOWICZ, superas sidera, tumq; mare.  
 Æquor Eurippus, sunt sidera, clara Mathesis,  
 Flumina [vela move] Tullius ipse dabit.

VIII. V. D. JACOBO, FRANCISCO  
 KOBUSZOWSKI.

*Stemma.  
 illius latere stella,  
 minet. Cum  
 Calo vicina*



*Rosa ex utroq;  
 tertia supra e-  
 Lemmate.  
 sereno.*

Purpureum stat flore decus, stant sidera circum  
 Bina latus, summum tertia stella tenet  
 Iam Zephyros devicit amans flos ipse decoro  
 Vultu, jam rubeo mitior aura favet,  
 Vere novo maturus erit flos, credite nobis,  
 Hunc Austri redamant, hunc & Olympus amat.  
 Quidni Musa KOBUSZOWSKI petat? unus amore  
 Cuncta rapis, nomen floreat orbe Tuum.

IX. V. D. ANTONIO POLANSKI.

*Stemma.  
 Crux, in medio ensis,  
 Sagitta. Cum Lem-*



*Solea, supra quā  
 à partibus verò  
 mate: Undiq;  
 victor.*



Ensis habet soleæ medium, tum vertice culta  
 Crux, à parte sui bina sagitta volat.  
 Arcus abest, Crux arcus erit, sed credito, victrix;  
 Vt tutus soleis Io triumphæ canas.  
 Seû Te terra petit POLANSKI Magne Sophorum.  
 Seû polus inquirat, victor ubiq; manes.  
 Quodsi Crux quatuor partes repleverit, Orbis  
 Sufficit haud unus, cum Tibi bina micat.

X. V. D. FRANCISCO SZCZEPANSKI.

*Stemma.*  
*Cum Lemmate:*  
*odorem.*



*Rosa crescens.*  
*E spinis spirat*

Flos micat in campo, qualem Pastana roseto  
 Optaret gaudens Hybla fovere suo.  
 Sit licet in viridi trunco, sit spina, sed ipsa  
 Purpureo cunctis vernat odore rosa.  
 Spina labor fuerat, de spinis prændis odorem  
 Gratum SZCZEPANSKI, cum Tibi laurus adest.  
 Sic redamare rosam, sic laurea ferta licebit,  
 Hinc odor alliciet Te, magis inde viror.

XI. V. D. VLADISLAV SIGISMUNDO  
 de Nadole NADOLSKI.

*Stemma*  
*Columna super*  
*Cum Lemmate.*



*Gentilitium.*  
*tribus gradibus.*  
*Immotamanebit.*

Eminet



Eminet æthereum feriendo vertice cælum,  
 Firmiùs & trino nixa Columna gradu.  
 Quid, petis? expectat, grandævus, meta coronas  
 Ad nitidas, nuper Regibus illa fuit.  
 Currito NADOLSKI, citiùs procurrito, tantis  
 Crede, latet signis, jam Tibi celsus honos.  
 Par meritis ramoia feret cum laurea munus,  
 Plus ultra scandes, Augur Apollo canit.

XII. V. D. STANISLAO MALECKI.

*Stemma.*  
*gnantes*  
*Cum Lemmate:*



*Duo Leones pu-*  
*de lauru*  
*Victori dabitur.*

Effera magnanimos cernas agitasse Leones  
 Prælia; victori, laurea præda manet.  
 Laurea præda manet, nulli cessura coronæ,  
 Fortior extiterit quæ, feret illa manus;  
 Viribus ingenij vincis furiosa Leonum  
 Agmina MAŁECKI, Te petit ista sibi.  
 Bella move: victor sed jam post bella triumphas,  
 Vertice cum præfers laureaserta Tuo.

XIII. V. D. ADALBERTO FRANCISCO  
 KOZINSKI.

*Stemma*  
*Inter duas Stellas*  
*tera supra coronam*  
*Cum Lemmate:*  
*triumphat.*



*Avitum.*  
*Sagitta una, al-*  
*trans alā Aquila.*  
*Victrix ubiq;*

*Efful-*



Effulget geminum sidus medioq; sagitta  
 Vna stat alta petens, hæsit & una super.  
 Fida ministra Iovis fortassis dura tulisti  
 Tela DEO, telis præda fit ala meis.  
 KOZINSKI Te rite decent hæc munera fortem  
 Quem monstrant mundo sidera clara poli.  
 Iam video, non hostis erit securior ullus,  
 Æthere si cunctos sæva sagitta ferit.

XIV. V. D. CANTIO JOSEPHO NIEWIESKI.

*Stemma*  
*Gladius in parte*  
*Cum Lemmate:*  
*ferrò,*



*Gentilitium.*  
*lebetis; vulgo Nowinà.*  
*Æri dat vulnera*

Æra sonant gladiò fulgente recisa lebeti,  
 Cæsaq; per medium ferreus ensis habet.  
 Herois, quæ tanta tulit sed munera, magni  
 Dextra latet, totus forsan in astra volat.  
 Sic fateor, rapuit nobis Te celsa Mathesis,  
 Mucro sed ingenij quid valet? æra docent.  
 NIEWIESKI jam nullus obex, nec Gordia virtus  
 Stat Tibi Palladiò, solvit ahæna manus.

XV. V. & Admodum Reverendo Domino  
 CASIMIRO CHOCHMANSKI,  
*Authoritate Apostolica Publico Notario.*

*Stemma*  
*Tria Lilia*  
*Cum Lemmate:*



*Avitum.*  
*præferens.*  
*Non sine candor*  
*odore.*

*Deliciu*



Delicium Floræ, primi sacra munera veris,  
 Nobile CHOCHMANSKI, Lilia stemma refert.  
 Vrget odor redamare decus, candorq; virescens,  
 Hic oculos, animum recreat ille Tuum.  
 Sed melius mens pasta manet, cum pectore puro  
 Virtutis nitidæ candidus hæsit amor.  
 Lacte tulit fuso terris si Lilia Iuno,  
 Mella dabis dictis, lacteus ipse, Tuis.

XVI. V. D. PETRO ROHACZEWSKI.

*Stemma*  
*In medio Solea*  
*ra supra*  
*Cum Lemmate;*  
*beatus.*



*Gentilitium.*  
*Crux una; alte-*  
*Solea n.*  
*Ex omni parte*

Fama fuit quondam, felicem Numina nullum  
 Passa vident adeò, nè sibi quid noceat.  
 Sed tandem mutata ruit, Tu gloria nostræ,  
 Gentis, dum ex omni parte beatus eris.  
 Bina micat Soleâ, geminans festiva trophæa  
 Orbe super Lechico, Crux pretiosa Tibi.  
 Intro sit, atq; foris, semper fortuna favebit,  
 Exambis quoties, laurea ferta Sophus.

XVII. V.D. ADALBERTO DOMINICO.  
 ANDLIKIEWICZ Crac.

*Stemma. Super*  
*retum; a parte*  
*pede, altero*  
*Cum Lemmate:*



*Libro clauso Bi-*  
*Avis annulū uno*  
*Laurum portans.*  
*Desponsata labori.*



Mitra super Libro clauso stat docta, nitentem

Vngve tenet gemmam, fertaq; gestat avis  
Sed vertex, qui tollat abest, tum pollice digno

Quæ gemmam referat, candida dextra later.

ANDLIKIEVICIUS dona hæc feret, annulus ipse

Desponsat socium Palladis, inq; virum.

Si clausus tam multa valet, quid, dicis, apertus?

Hunc refert, folijs sæcula mille leges.

XVIII. V. D. STANISLAO, JOANNI CANTIO  
ZIOŁKOWSKI.

*Stemma.*  
*Cum Lemmate:*  
*tiosa metallo.*



*Tria Flumina.*  
*Divite sunt pre-*

Pactolus est aurò, gemmis pretiosus Hydaspes,

Dives Erythræum rubra coralla foveat.

Ergo sibi fortuna favet? mens tollit avara

Divitias miseris, tollit avara manus.

ZIOŁKOWSKI, quas Pallas opes Tibi docta recondit

Fluminibus, nunquam tollere fata valent.

Stat Canis ecce vigil, non fur, non tollet avarus,

Ille bonis custos, scylla sed ille malis.

XIX. V. D. CASIMIRO, ANTONIO JUGIEWICZ.

*Not: Apost: Not: Apost: Prab: Scav.*

*Stemma.*  
*Serpens gladio*  
*cuspide caput*  
*habet. Cum*  
*Horrida monstra*



*Avitum.*  
*sursum sinuatus*  
*transfixū*  
*Lemmate.*  
*domat.*

*Delius*



Delius auratis stravit Pythona sagittis,  
 Alcida fuerat, quod jacet hydra, labor.  
 Ignivomos Iason tauros domuisse refertur,  
 Ense cadit serpens cum ferus, author abest.  
 Auctor erit victorq; mihi mox, fortis athena  
 Cuspide IVGIEWICZ, horrida monstra domat.  
 Io canas, laurumq; geras, Tu solus Iason.  
 Alcides solus, solus Apollo mihi.

XX. V. D. FRANCISCO JEZOWSKI.

*Insigne.*  
 intra lauream  
 Cum Lemmate:



*Librum apertum  
 refert.  
 Hac munera  
 docto.*

Grande volumen adest, referat sed grandius illud  
 Ingenium, lauru pagina nulla vacat.  
 Sed totum victrix Tibi cingit adorea librum  
 IEZOWSKI, libris his benè Doctor eris  
 Seù Te dulce petet nectar, seù gratia vatum  
 Sive Stagyra volet conciliare Sophum  
 Hoc de fonte fluent pro rostris mella disertis,  
 Arguet inde Sophus, inde Pòeta canet.

XXI. V. D. JOSEPHO FRANCISCO.  
 JASTRZĘBSKI.

*Stemma.*  
 Crux, in summitate  
 annulum  
 Cum Lemmate:



*In medio soleæ  
 coronæ avis tenēs  
 in pede  
 Mille parat  
 honores.*

*Emicat*



Emicat in medio solæ Crux alma nitentis,  
 Annulus est ungui summa petentis avis.  
 Quid secreta juvat scrutari magna Tonantis,  
 Sole mihi nitido clarior augur erit.  
 IASTRZĘBSKI victrice manu victricia signa.  
 Qui præfers terris, æthere tumq; polo.  
 Ter centum natura suo cùm provida corvo  
 Annos ferre potest, jam Tibi mille feret.

XXII. V. D' ADALBERTO TYBURCY.

*Stemma Arvum.  
 ligata. Cum Lemmate:*



*Tres Cruces nexu  
 Sacri hac signa tri-  
 umphi.*

Tres ligat una Cruces, tres fascia sola tuetur,  
 Orbi persimilis, num sacer orbis erit?  
 Est sacer: ille mihi nexus cùm signa salutis  
 Sacra refert, nexum quis neget esse sacrum?  
 O pietas! quamcunque petes illustrior, orbis,  
 TYBVRCY, sacris pars Tibi nulla vacat.  
 Ergo nec in Lechico fugiunt Te sacra Lycæo  
 Palladis, his præses laureus lo cane.

XXIV. V. D. JACOBO GORKOWSKI.

*Stemma  
 Inter duas Lunas  
 Cum Lemmate:*



*Gentilitium.  
 Sagitta discerpta.  
 Par lumen utriq;*



Cynthia bina Tuo resplendet stemmate magne  
 GORKOVI, medium rupta sagitta tenet.  
 Vna pares spargit radios utriq; Dianæ,  
 Exæquat Phœbi lumina sola micans.  
 Fit stupor insolitus, si duplex ardet Olympo  
 Luna, sed hinc fusus cogitur ire procul.  
 Iunge pares, telumq; nitens det lumina, clarum  
 Fama feret toto nomen in orbe tuum.

XXV. V. D. ANTONIO ADAMO BRZYSKI.

*Stemma*  
*Bos ruber, seu*  
*Campo & in*  
*medius bos*  
*Cum Lēmate.*



*Gentilitium.*  
*Vitellus in albo*  
*summitate Corona*  
*erumpit.*  
*Ad labores natus.*

Iuppiter Europam cum subduxisset amantem,  
 Formosi speciem, fertur habere bovis.  
 Forsitan in rubeum voluit transire Vitellum,  
 Et niveo BRZYSKI stemmate numen agi.  
 Sic linqvunt superi cælum! sic Area magnis  
 Alba Dijs sedes, campus, Olympus erit.  
 Cara Deum soboles ANTONI cellus honore  
 Astra petes, summo proximus ipse Iovi.

XXIII. V. D. JOSEPHO ANTONIO  
 K R A U Z  
 A U T H O R I O P E R I S.  
 In vim mutui affectus,

V. D. MICHAEL JOSEPHUS DROPCZYNSKI.  
 Primam



Primam appendit Epigraphen.

*Stemma*  
*Corvus tenens*  
*Cum Lemmate:*



*Gentilitium.*  
*rostro annulum,*  
*Est certi sponsor*  
*amoris.*

Corvus adest nitidus, quamvis hunc texerit atra  
Pluma, nitet roseis aurea gemma malis  
Clarius ex umbris video, sic sidera cæli  
Clarius effulgent, cum sine sole micant.  
At Tu magna Craci, magnorum tumq; propago  
Clara Patrum, Phæbo proximus ipse nites.  
Dat Corvus lucem, dat lumina gemmeus orbis,  
Accendit Clypeus doctus amore focos.

Eidem Authori Operis.

V. D. JOSEPHO ANTONIO KRAUZ,

Secundæ Laureæ Candidato,

*in vim contestationis propensissimi affectus.*

V. D. VLADISLAUS SIGISMUNDUS de Nadole

N A D O L S K I.

*votivam apponit Epigraphen.*

*Aternos denotat annos. Ovidius.*

Cæsar pulverei fluitantia signa Gradivi

Vincit; & ex pugna lecta trophæa refert.

Ducitur in plausum plebs, multa frequentia salvum

Excipit: & salve Corvus amænus ait.

Annulus in volucris comprênditur ore rotundus:

Clarum victorem forsan & illa notat.

Haud dubitem terris felicem dicere vatem

Ingeniô Plato, Tullius ore manet.

Accrescas Major titulis; quot transiit annos

Patrius hic Ales, tot Tibi sæcla fluant.



Eidem Authori Operis,

V. D. ADALBERTUS, DOMINICUS ANDLIKIEWICZ,

In Argumentum mutui applausus & congratulationis offert.

*Lemma: Lux omnis, splendorq; sub umbris.*

Dum Clypeos recinis, dum Vates prælia cantas,

Quis Te non fortem dixerit esse virum;

Te Pater exornat celebris, Te digna Parente

Facta decent, sanguis Te super astra vehit.

Sit licet immensus tamen est satis unus & alter.

WĘGRZYNOWICZ, LOCHMAN, sidera clara Craci.

Hæc Tibi dum fulgent, CORVINUS clarior ipso

Lucebit Phæbô, se licet umbra tegat.

Eidem Authori Operis

V. D. ANTONIUS ADAMUS BRZYSKI,

*In vim candidi affectus, ac mutua gratulationis, auspiciis felix ad honores precatur.*

*cum Lemmate: Bonis Avibus.*

Æthereum quæ celsa polum lustrare volando

Novit avis, præfert nobile stemma Tibi,

Æther ei tam clara Domus, tum pulchrior astris

Eligitur nitidis annulus ore micans.

Sic Te Diva potens Regni Schola clara Coronis,

KRAUZE fovet, ut votis plaudat Apollo tuis,

Laurea dum cingit tua tempora, spondet honores

Corvus dicit ave, prospera fata sonans.



SUB FELICISSIMIS AUSPICIJS,

*Magnifici Perillustis & Admodum Reverendi Domini,*

D. M. MARTINI  
OSLINSKI,

SACRÆ THEOLOGIÆ DOCTORIS & PROFESSORIS,  
Collegæ Majoris, Ecclesiæ Collegiatae S. ANNÆ DECANI, Prossovi-  
censis PRÆPOSITI, Zielonecensis CURATI, Contubernij Hierosolymita-  
ni & Classium Novodvorscianarum PROVISORIS, Universitatis  
Cracoviensis Generalis ac Vigilantissimi

RECTORIS.



XX. 1. 26



Biblioteka Jagiellońska



stdr0027196



